



KOMMUNE KUJALLEQ

POSTBOKS 514, 3920 QAQORTOQ

TLF. (+299) 704100

WWW.KUJALLEQ.GL

Anartarfilerinermut maleruaqqusat
Kommune Kujalleq

2016

Imarisai

1	SIUNERTAQ	4
2	INATSIIT TUNNGAVIGISAT	4
3	ATUUFFIA	4
4	ILLUUTILLIT PISUSSAUFFII	4
5	KUUFFINNUT IKKUTSINNEQ	5
6	ANARTARFINNIK IMAARSISARNEQ	5
7	ANARTARFIIT TANKITAAT	5
8	AKILIUTIT	6
9	NAKKUTILLINEQ	6
10	UNIOQQUTITSINEQ KINGUNEQARTITSINERLU	7
11	NAAMMAGITTAALLIORNEQ	7
12	PIGINNAATITSINEQ	7
13	ATORTUULERSITSINEQ	8

1 SIUNERTAQ

Kommune Kujallermi angerlarsimaffinnit inuussutissarsiutinillu ingerlatsivinnit anartarfiit avatangiisinut ajoqutaanngitsumik, eqqiluisaarfiusumik avatangiisillu illersorneqarnissaannik paasinniffiusumik imaartarneqartarnissaat maleruaqqusatigut qularnaarniarneqarpoq.

Maleruaqqusatigut innuttaasut, illuutillit, suliffeqarfiit kommunillu pisussaaffii pisinnaatitaaffiilu aalajangersarneqarput.

2 INATSISIT TUNNGAVIGISAT

Maleruaqqusat inatsisit atuuttut tunngavigalugit suliarineqarpoq:

- 1) Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- 2) Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq

3 ATUUFFIA

Maleruaqqusat uku Kommune Kujallermi illoqarfinnut nunaqarfinnullu atuupput.

Maleruaqqusat uku illunut, suliffeqarfinnut, peqatigiiffinnut aaqqissuussinernilu inuit katersuuffigisaanut kiisalu piffinni sanaartorfineqanngitsuni annertuunik aaqqissuussivigineqartuni aaqqissuisunut tamanut atuupput.

Maleruaqqusat anartarfilerinermut tunngasuupput.

Anartarfilerineq tassaatinneqarpoq anartarfiit imaannik igitsisarnerit aammalu anartarfinnit sunilluunniit imerpalasut igitassat kommunip katersuisarneranut atasut.

4 ILLUUTILLIT PISUSSAAFFII

Illuutillit eqqakkanut kuuffinnut kikkunnut tamanut atugassianut ikkutsissimangitsut imaluunniit namminerisaminnik imaanut kuuffilersimangitsut namminneq akilikkaminnik kommunip akuerisaanik anartarfeqassapput siparnitalimmik imaluunniit katersuivinnik tankeqassallutik kommunip akuerisaanik, taakkuninngalu aserfallatsaaliissallutik.

Illuutillit kuuffinnut tamanut atugassianut ikkutsissinnaanngitsut immikkoortoq 6-imi nassuiarneqartutut ittumik anartarfiit imaarneqartarnerinut ilanngussimasussaapput imaluunniit tankip immikkoortoq 7-imi malittarisassat naapertorlugit katersuviup imaarneqartarneranut ilanngussimasussaallutik.

Illut namminneq imaanut kuuffillit avatangiisit innarlitsaaliorneqarnissaanut inatsimmi § 16 naapertorlugu imaanut aniatitsinissaminnut akuersissummik pissarsisimasariaqarput.

Immikkoortiterisussaataaneq

Anartarfiit puusiartaat siparnillu puusiartaqanngitsut allanik eqqagassanik allanik eqqaavigineqassanngillat taamaallat anartarfiit imaannik.

Anartarfiit imaasa aniatinneqartarneri

Eqqakkanut kuuffiit aqutiginagit kuutsitsineq kommunimit akuerineqaqqaarsimasussaavoq.

5 KUUFFINNUT IKKUTSINNEQ

Illu kuuffinnut ikkunneqaraangat anartarfinnik imaarsisarneq atorunnaassaaq.

Illumik piginnittup anartarfiit imaarneqartarnerinut nalunaarsimanerup unitsinneqarnissaanut pisussaavoq.

6 ANARTARFINNIK IMAARSISARNEQ

Kommunimi anartarfiit puusiertallit puusiertaqanngitsullu atorneqartarput. Anartarfiit puusiertallit imaarneqartarnerini puusiat kommunip tunniussai akuerisaaluunniit kisimik atorneqassapput. Anartarfiit Kommune Kujallermit akuerisat kisimik atoqqusaapput, assersuutigalugu GTO-modelit.

Anartarfiit puusiaasa takkuitsuugassaajunnaarnissat kiisalu ajornanngitsumik aaneqarsinnaanissaat illumik piginnittup isumagisassaraa. Tassunga taarsiullugu puusiat anartarfinniit aaneqartarnissaannik anartarfilerisoq isumaqatigiissuteqarfigineqarsinnaavoq. Aamma illumik piginnittoq pisussaavoq ilisarfinnik pitsaasuutitsinissaminut eqqiluutsuutitsinissaminullu kiisalu isumannaatsumik aqutissaqarluni aallertoqarsinnaanera isumagisussaallugu. Anartarfiit eqqiluutsuunngippata illumik piginnittoq attartortorluunniit kommunimit peqquneqarsinnaavoq puusianik matup silataanut ilisisaqqullugu.

Puusiat isumannaatsumik matusimassapput qilerneqarsimassallutillu kiisalu ullormi aallerfissami kingusinnerpaamik 07.00 inissiivissamut isumaqatigiissutigineqarsimasumut inissinneqarsimassallutik. Ullut aallertarfissat pillugit sukumiinerusumik paasisaqarumalluni Teknikkimut Avatangiisinullu Ingerlatsivik attavigineqarsinnaavoq.

Anartarfiit puusiaannik aallerfissap eqqagakoqannginnissaa aqutaatalu torerlunilu kusanarnissaa illumik piginnittup pisussaaffigaa.

Illumik piginnittoq pisussaavoq anartarfiit imaarneqartarnerinut ilanngutissalluni puusiat / aallernerit amerlassusii pisariaqartut naapertorlugit aammalu puusiat / siparnit aallernerit marluk akornanni ulikkaarpallaarneqartannginnissaat isumagisassaralugu.

Puusiat / siparni aallernerimi imaqqanngippat anartarfilerisoq imaarsissanngilaq. Puusiat imaarneqanngippat illuutilik puusiamik nutaamik tunineqassanngilaq. Taaneqareersut pissutigalugit illuutilik akiliutiminik utertitsiniarsinnaanngilaq.

7 ANARTARFIIT TANKITAAT

Anartarfiit tankitaat ussillutik qerisussaajunnaarlugit ulikkaarnissaanullu nalunaartaatitalerlugit inissinneqassapput.

Tankip milluaavittaa ima inissinneqarsimassaaq anartarfiit imaannik milluuassutip sullulittaa annerpaamik 8 meteriusoq ajornanngitsumik ikkunneqarsinnaassalluni. Illuutilup pisussaaffigaa inissiivik pitsaasuutillugulu eqqiluutsuutissallugu aammalu ajornanngitsumik

isumannaatsumillu tikinneqarsinnaatissallugu. Aammattaaq anartarfiup tankitaata ajornanngitsumik imaarneqarsinnaanissaa illuutillup qularnaassavaa.

Anartarfiup tankiata imaarneqarnerani maangaannaq kuutsitsisoqassanngilaq. Ruujorip slangillu imaarluinnarneqarnissaat qularnaarneqassaaq. Tankip imaartarfiata eqqaata sukujoqarani tikikkuminarnissaa taamalu assartuisup milluaavimmut ajornanngitsumik pisinnaanissaa illuutillup pisussaaffigaa.

Anartarfiit tankiinik imaarsisarnerit akuttussusii aalajangerneqassapput nunamut utsersortoortoqartussaajunnaarlugu.

8 AKILIUTIT

Aaqqissuussinernut aalajangersarneqarsimasunut aningaasartuutit matussutissaannik illunik piginnittut attartortullu akiliisussaataapput. Akiliutissat illuutilimmut attartortumulluunniit anartarfinnik imaarsisarnermut nalunaarsimasumut akiligassanngortinneqartassapput.

Kommunalbestyrelsi ukiumut ataasiarluni anartarfiit tankillu imaarneqartarnerinut imaasalu iginneqartarnerinut akiliutissanik aalajangiisarpoq. Akiliutissat qaffasissusiat kommunip piffinni ataasiakkaani aammalu nittartagaq atorlugu nalunaarutigissavaa. Eqqagassalerinermut akit kommunip akinik nalunaarsuiffianiipput. Kommunip sullissinerinut akiliutit qaqugukkulluunniit atuuttut kommunip nittartagaanit aaneqarsinnaapput imaluunniit Teknikkeqarfimmut sullissivimmulluunniit saaffiginninnikkut pissarsiarineqarsinnaallutik.

Illumik piginnittoq attartortorluunniit illumit nuukkuni anartarfiit imaarneqarnerisa unitsinnissaannik nalunaaruteqassaaq nuuffimminilu nutaamik imaartittarnissamik allanillu nalunaaruteqassalluni.

Nuunnermi kommune imaartittarunnaarnissamik nalunaarutisinnigppat piffissap tamassuma tungaanut atuisuusoq piffissami tassani anartarfiit imaartarnerinut akiliutissanik akiliisussaataavoq atuisup allap nalunaarnissaata tungaanut, imaluunniit kommunip anartarfiit imaarneqarnerinik unitsitsinissaata tungaanut.

9 NAKKUTILLINEQ

Maleruaqqusani aalajangersakkat malinneqarnissaannik Kommune Kujalleq nakkutilliissaaq.

Illumik piginnittut attartortulluunniit tamarnik pisussaapput Kommune Kujalliup misissuisitaanik illumut isersinnaatitsissallutik, tassunga ilanngullugu anartarfiit, tankit, aammalu anartarfiit siparnitaasa katersuivinnukaaneqartarneri igitassanngortarnerilu misissornissaannut periarfissaqartissallugit.

Maleruaqqusani aalajangersakkat uniorneqarnerat paasineqarpat piffissaliussami erseqqinnerusumik taasami pissutsit malittarisassanut naapertuuttunngorlugit aaqqinneqarnissaannik Kommune Kujalleq peqqussuteqarsinnaavoq.

Piffissaliussap ingerlanerani pissutsit aaqqinneqanngippata Kommune Kujalleq iliuseqartitsisinnaavoq akisussaasumut akiligassanngortitassamik.

10 UNIOQQUTITSINEQ KINGUNEQARTITSINERLU

Maleruaqqusani ukunani malittarisassanik imaluunniit maleruaqqusat uku malillugit peqqussutinik inerteqqutinilluunniit unioqqutitsineq akiligassiinermik nassataqarsinnaavoq, tak. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq kiisalu Avatangiisit innarliitsaaliorneqarnissaanik Inatsisartut inatsisaat nr. 9, 22. november 2011-meersoq.

11 NAAMMAGITTAALLIORNEQ

Avatangiisit illersorneqarnissaannut Inatsisartut inatsisaanni nr. 9, 22. november 2011-imi kapitali 14-mi malittarisassat naapertorlugit maleruaqqusani aalajangersakkat pillugit aalajangiinerit taakkulu naapertorlugit aalajangiinerit naammagittaalliutigneqarsinnaapput.

Kommunalbestyrelsip aalajangiineri pillugit naammagittaalliutaajunnartut uunga nassiunneqassapput: Avatangiisit pillugit Naammagittaalliuteqartarfik c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Aalajangiinerup nalunaarutigineqarneraniit sapaatit akunneri arfinillit naammagittaalliuteqarnissamut piffissaritinneqarput. Naammagittaalliorneq naammagittaalliortarfiup aalajangiinissaata tungaanut, imaluunniit naammagittaalliortarfiup allamik aalajangiinissaata tungaanut suliat unitsikkallarneqarnissaannik nassataqartarpoq.

Maleruaqqusat taassumalu atortinneqarnera pillugu saaffiginnissutit naammagittaallutillu Kommunalbestyrelsimut suliami aalajangiisussaataasumut ingerlatinneqassapput.

12 PIGINNAATITSINEQ

Kommune Kujallermi Kommunalbestyrelsip maleruaqqusanic ukuninnga akuersissuteqarnermigut Teknikkimut Avatangiisinullu Ingerlatsivik piginnaatippaa maleruaqqusat uku naapertorlugit aalajangiisarnissamut.

13 ATORTUULERSITSINEQ

Maleruaqqusat uku atuutilerput 1. januari 2016.

Maleruaqqusat uku atortuulersinneqarnerat ilutigalugu makku atorunnaarsinneqarput :

- 1) Nanortallip Kommuniani eqqagassalerinermut maleruaqqusat
- 2) EQQAGASSALERINERMUT MALERUAQQUSAT - 4 Qaqortumi, Saarlumi, Eqalugaarsunni Qassimiunilu anartarfilerinermut maleruaqqusat
- 3) EQQAGASSALERINERMUT MALERUAQQUSAT - 4 - Narsap Kommuneani anartarfilerinermut maleruaqqusat

Kommune Kujallermi kommunalbestyrelsimit akuerineqartut ulloq 08-05-2015



Jørgen Wæver Johansen
Borgmester



Frank Hedegaard Jørgensen
Kommunaldirektør